



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Baiocensi.

urn:nbn:de:hbz:466:1-20020

mus, restituerit vel donaverit universa. Quamvis ergo secundum juris rigorem potuissemus præsumum Episcopum ab omni officio ecclesiastico in perpetuum degradare, ut quibuscumque culpa fuit in scandalum, pena fieret in exemplum, memores tamen verbi quod in litteris nostris civibus expressimus Placentinis, monendo & obsecrando, ut quod petebatur ab eis, nobis gratuita liberalitate donarent, sub spe non solum mercedis æternæ ipsis à Domino conferenda, verum etiam præmij temporalis à sede apostolica concedendi, de quo, sicut accepimus, ipsi spem & fiduciam non modicam conceperunt, rigorem ita duximus temperandum, ut Episcopus & alij Ecclesiarum Prelati hujus iniquitatis auctores suspensi sint ab omni officio prælaturæ, & tam ipsius Episcopi quam aliorum beneficia clericorum, qui pecuniam vel pignora reddiderunt, in duas partes dividantur aequales, quarum una sibi pro sustentatione retenta, illis altera tribuatur à quibus exili tempore subsidia receperunt, ut cum persecutoribus suis liberales extiterint, benefactoribus suis sint munifici vel inviti. Frequentium verò sancti Antonini Canonicum & præfati Episcopi Capellani, quem super iis apud ipsum Episcopum didicimus multipliciter exceſſe, ab officio ecclesiastico præcepimus manere suspensum. Præfatos autem cives, quos constat non solum per juramentum quod unus præstitit in animas aliorum, verum etiam per juramenta tam Episcopi quam aliorum Clericorum qui super hoc deposueruntur, nullum adhibuisse dolum vel fraudem, immo nec promissionem nec spem sibi datam fuisse de restitutione pecunie vel pignorum facienda, super ablatorum restitutione, quam injunxiimus eis ut Clericis & Ecclesiis exhiberent, credimus liberatos, salvo jure, si quod Ecclesiis competit, ad repetendum theſaurum male distractum, eoque similiter salvο, ut nisi Episcopus & clerici humiliportent impositam sibi pro meritis disciplinam, aut si forsan ipsi cives minus gratam haberent gratiam sibi factam, vel scandalum non cessaret, nervum rigoris, quem non dissolvimus, sed infleximus, extendere valeamus. Quocirca discretioni vestrae per apostolica scripta præcipiendo mandamus quatenus quæ à nobis sunt super iis provida deliberatione statuta facias sublatu cujuslibet contradictionis & appellationis obstaculo per censuram eccl-

esiasticam inviolabiliter observari, Episcopum & clericum, si necesse fuerit, compellentes ut interposito juramento medietatem suorum proventuum ob causam prædictam juxta providentiam vestram distribuendam assignent. Vos autem auctoritate nostra suffulti defectum eorum super iis à quibus suspensi sunt sublatu cujuslibet contradictionis & appellationis obstacle suppletatis. Quod si non omnes iis exequendas potueritis interesse, duo vestrū ea nihilominus exequantur. Datum Laterani x. Kal. Decembr. pontificatus nostri anno undecimo.

EPISCOPO BAIOCENSI.

Epist. 776
Respondens
ad ejus resolu-
tione
Cap. Cinc
jute, Di del

*In tert. aliud
additur, à re-
bus suis, quo
in ecclesiis
MS. Collo-
no & Ante-
vulg.

Cap. Cin
jute. Di ef-
f. jud. dicit

Cum in jure peritus existas, & copiam habeas peritorum, non possumus non mirari quod super quibusdam iuris articulis nos consulere voluisti qui nihil aut modicum dubitationis continere noscuntur. Primus siquidem tuæ consultatioonis articulus continebat quod cujusdam Ecclesiæ Decano defuncto, ejusdem loci Capitulum sub hac forma in sepeem ex ipsis Canonicis compromisit, ut illum quem ex se vel ex aliis de gremio ipsius Ecclesiæ omnes pariter vel major eorum pars duceret nominandum, idem Capitulum recipere in Decanum. Vnde cum unus ex illis septem à tribus ipsorum, & alius, qui non erat de numero eorundem, * in Decanum fuerint nominati, à nobis tua fraternitas requisivit uter eorum assumi debeat à Capitulo in Decanum, Super quo tibi taliter respondemus, quod is qui de numero septem à tribus eorum dinoscitur nominatus, juxta compromissi tenorem debet in Decanum assumi, dummodo electioni de se factæ consentiat & aliquid Canonicum non obſtitat. Præterea quæſivisti, cum tibi ab aliquo sub hac forma mandatur, Auctoritate qua fungor in-
jungo ut talem denunties excommunicationis sententia subjacere, ac tibi super mandato apostolico haſtantibz ab aliquo non fit fides, an mandatum hujusmodi exequi te nearis. Super quo hujusmodi tibi damus responsum, quod nisi de mandato sedis apostolicæ certus extiteris, exequi non coheris quod mandatur. Contigit insuper quod cum quidam post appellationem ad nos legitimè interpolatam fuerit excommunicatione notatus, & super absolutione sua per nuntium ad certos judices nostras litteras impetravit, postquam littera fuerunt obtentæ, sed priusquam fuissent judicibus præsentata, pro alia causa fuit vin-

culo excommunicationis astrictus. Vnde responso nostro postulas edoceri an iudicem judices cognoscere valeant de anathematis sententia secundo loco prolatâ. Super quo fraternitati tuæ duximus respondendum quod jurisdictio judicum eorundem ad cognoscendum de predicatione sententia extendi non debet, cum eo tempore quo ad eos litteræ nostræ obtinere fuerunt eadem sententia minimè lata fuerit, nec de ipsa etiam cogitatum. Datum Laterani x. Kal. Decembris, pontificatus nostri anno undecimo.

FLORENTINO EPISCOPO,
Et Abbatu Saxivivi, & Priori
Camaldulensi.

Epp. 176
elponent
cuius co-
da.
ap. Cùm i-
te. De dñi
Epp. 177.
Ex commerci-
ari militare
monasteriorum
Tulua.
Cin. 177.
alioz
dñar, à in-
alioz, omni
cedebat
S. Colom-
bi. Adsp.
f.
Cin. 178.
Non licet
fratibus S. Io-
hannes Hiero-
nimi transfor-
mari. Cito
in
Cin. 178. De
tulua.
De sp.
dilect.
Tom. II.

Cum ex apostolica servitutis officio in vinea Domini sabaoth, cuius custodia disponente Domino nobis dinoscitur esse commissa, extirpare nociva & planaria utilia teneamur, nec hoc possimus implore ubilibet per nos ipsos, ad hujus foliicitudinis ministerium illos advocamus interdum quos ad hoc idoneos reputamus. Cum igitur inter ceteros Prælatos Tuscia geramus de vobis fiduciam pleniorum, super omnibus monasteriis tam in Tuscia usque Viterbiæ & Reate quam etiam in Marchia constitutis committendas vobis duximus vices nostras. Quocirca discretioni vestra per apostolica scripta mandamus quatenus omnes pariter vel duo saltem ex vobis, si quando quisquam vestrum nequeritur interesse, cum sociorum & evectionum numero moderato eadem monasteria visitantes, corrigitis appellatione remota qua fuerint corrigenda, statuentes in eis quæ saluti & honestati videritis expedire. Illam autem maturitatem & temperantiam in exequendo visitationis officium observetis ut iij ad quos vos declinare contigerit non minus in vestro recessu gaudeant quam accessu. Datum Laterani vii. kal. Decembris, pontificatus nostri anno undecimo.

TERRACONENSI, BRACARENSSI,
& Compostellano Archiepiscopis.

Licet quibusdam monachis & Canonicis necnon Hospitalariis & Templariis à sede apostolica sit indultum ne postquam aliquis professus fuerit apud eos, ad alium locum possit ipsis invitatis arctioris etiam religionis obtentu transire, ut unusquisque secundum Apostolum in ea vocatione permaneat in qua dinoscitur esse vocatus, quia tamen ubi spiritus Dei est, ibi

F f ij

libertas, & qui spiritu Dei aguntur, non sunt sub lege, quia lex posita non est justa, ea ratione videtur hoc illis fuisse concessum ne quis ex temeritate vel levitate in jaçturan & in ruinam sui ordinis sub praetextu majoris religionis ad alium ordinem transvolaret, sicut frequenter à multis constat esse presumptum, non quidem ut ei transfeundi licentia denegetur qui eam cum humilitate ac puritate duxerit postulandam, quatinus non fieri, sed verè, ad frugem melioris vita valeat transmigrare. Talis ergo postquam à prælato suo transfeundi licentiam postulaverit, ex lege privata, quæ publica legi præjudicat, absolutus, liberè potest sanctioris vita propositum adimplere, nonobstante proterva indiscreti contradictione prælati, qui privilegium meretur amittere cum concessa sibi abutitur potestate, cum & Romanus Pontifex, qui supremam obtinet in Ecclesia potestatem, Archiepiscopis & Episcopis cedendi licentiam ex justa causa pertinentibus sine difficultate concedat. Quocirca noverint universi quibus hujusmodi privilegium est concessum se ad concedendum transfeundi licentiam taliter postulantibus de jure teneri: quia sicut subditus à prælato cum humilitate ac pureitate debet transfeundi licentiam postulare, ne bonum obedientia contempnere videatur, sic profectò prælatus subditio sine difficultate ac pravitate * debet transeundi licentiam indulgere, ne videatur propositum impediare divinitus inspiratum. Si vero probabiliter dubitetur utrum quis velit ad ordinem arctiorum an laxiorem ex caritate an ex temeritate transire, superioris est judicium requirendum, ne forte angelus satanæ in lucis angelum se transformet; illa semper regula inviolabiliter observata, ut nullus absque licentia Romani Pontificis præsumat occasione quacunque deferere præsulatum: quoniam sicut majus bonum minori bono præponitur, ita communis utilitas speciali utilitati præfertur; & in hoc casu recte præponitur doctrina silentio, sollicitudo contemplationis, & labor quieti. Ad quod utique designandum unigenitus Dei filius Iesus Christus non de Rachele secundum carnem natus est, sed de Lia; nec legitur eum in domum suam Maria excepsisse, sed Martha, unde quandiu potest Episcopus præesse pariter & prodesse, non debet cedendi postulare licentiam aut etiam obtinere. Sanè dilecti filii fratres Hospitalis Ierosolymitani in partibus Hispaniæ con-

* In tert. coll.
additur, quæ-
libet. Sed hac
vox non extat
in cod. Ade-
gao.